


लईका मन बर बाईबिल
प्रस्तुत करत हवे ।

आगि
पुरुष



लिखे गए हवे। : Edward Hughes

उत्साह बढ़ाए गए हवे। : Lazarus; Alastair Paterson

चयन करे गए हवे। : E. Frischbutter

अनुवाद करे गए हवे। : मधुलिका महतो

बनाए गए हवे। : Bible for Children


www.M1914.org

©2021 Bible for Children, Inc.


लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




सबो कुछु इसराइल बर खिक लागत रहिस । राजा अउ रानीमन
भगवान ले नफरत करत रहिन ।



येहा एकठी खीक उदाहरन दे। झटेच के मइनसे मन घलो भगवान
ले नफरत करए ला सुरूकर दिन अउ झुट्ठा देवता मन के पुजा
करए लगिन। का कोन्हो मन भगवान मया करए रहिन?



हाहो, कुछु अभी घलो सरधालु सित्तो भगत रहिन। एक दिन उंकर
म ले एक झन के संग म भगवान हा गोठियाइस जेखर नाव
एलियाह रहिस।



एलियाह हा दुष्ट राजा अहाब
ला ये बताइस, इसराइल के
जीयत यहोवा इसने कहत
हे, "कि मोर बचन मन
के अनुसार एन बछर
म बरसा होही अउन
उहाँ ओस" ऐखर
मतलब अकाल परहि ।
भगवान उंकर परजा
इसराइल ला ओकर
दुष्टता कस नई
चलन देहे ।






राजा ला चेताए
के पाछु, भगवान
हा एलियाह ला देस
के सुनना जघा म
भेजिस । उहाँ
एकठी नरवाँ के

तीर म, एलियाह डहर देखत रहिस । भगवान हा ओला खवाए बर
कउवा मन ला भेजिस । उ, बिहनहे अउ संझा, रोटी अउ मांस
लानत रहिन अउ एलियाह उ नरवां ले पानी पियत रहिस ।





देस म बरसा नई होए के कारन, झटके नरवां
सुखा गए । भगवान कर बचन हा सित्तो होत
रहिस । जम्मों देस म पानी कर कमीं रहिस ।



भगवान हा एलियाह ल
कहिस, "उठ, सारपत नगर
म चले जा, अउ उंहएच
रहेरा । देखा, मय तुहर बर
एकठी बिधवा ला आग्या दे
हाग कि ओहा तुहर
देखभाल करहि ।"





भगवान ओकर दास कर
दरकार ला जानत रहिस ।
लेकिन, परदान करए के
येहा एकठी अजीब उपाय
रहिस । बिनम्रतापूर्वक
एलियाह हा भगवान के
गोठ ला मानीस । जब
ओहा सारपत नगर ला

पहुँचिस, बिधवा सहर के
फाटक करा जलाए बर
लकरी बिनत मिलिस ।




“दया करके मोर बर एकठी कप पानी लावा,” एलियाह
हा महिला ले माँगीस। “दया
करके मोर बर रोटी कर
एकठी कँवरा घलो लानबे।”
बिधवा हा जवाब दिस,
“मोर करा रोटी नई आय।
एक ठी गिना म थोरकुन
तेल हवे अउ गघरी म
एक
मुट्ठी
आटा
हावय।”




दुख ले, महिला हा भविष्य
बतोइया ला बताईस जब
येहा सिरा जाहि तब मय
अउ मोर बेटा भूखन
मरबो ।



एलियाह हा कहिस "झन डरा, आघु मोर बर एकठी छोट अकन रोटी ला बना, अउ फेर, तय अपन अउ अपन बेटा बर कुछु करबे। जब तक यहोवा धरती म बरसा नई भेजही, तब तक तोर आटा अउ न तेल सिराहि।" अइसनेहे करय बर भगवान ला एकठी चमतकार करए बर होही। अउ ओहा ओला करिस। महिला अउ ओखर बेटा हा अड़बड़ दिन तक खात रहिन अउन अभी तक आटा सिराइस अउन तेल सुखाइस।



एलियाह ओमन के संग म रहत रहिस । एक दिन एकठी दुख के घटना घटिस । बिधवा के बेटा कर मउत हो गइस ।



यहोवा हा एलियाह के पराथना सुन दारिस अउ लईका के आतमा
ला लहुटा के ओखर करा भेज दिस अउ ओहा फेरले जी गिस।

एलियाह हा लईका ला लिस
अउ ओखर महतारी ला सउप
दिस। अब मय हा जान
डारे हवय कि “जे तुहर
मुँहुँले परभु कर बचन
हा निकलथे ओहा
सित्तो हावय।”




तीन बछर पाछु, भगवान हा, एलियाह ला वापिस राजा करा भेजिस,
“मय अब धरती म बरसा ला भेजहुँ।”




अहाब करा जावव? ओखर सुवारी ईजबेल हा आघु ले भगवान कर
एक सौ भविष्य बतोईया मन के हतिया करय रहिस। एलियाह हा
कोन्हो बहस नई करिस। ओहा राजा आहाब करा गईस।



जब उमन दुनो मिलीन त, एलियाह
हा अहाब ला ललकारिस कि
सबो इसराइल म ले 3850
झुट्ठा भविष्य बतोइया मन
ला जोर। कर्मेल नाव कर
पहार म, एलियाह हा
मइनसे मन ले गोठाईस।
“जदि यहोवा भगवान
हावय, त ओकर
अनुसरन करव।”



एलियाह हा दु ठी बइला बलिदान बर तियार करए रहिस । लेकिन तेउन ला कोन्हो आगि म नई जराए बर रहिस । ओहा कहिस “तय हा अपन देवता मन के नाव ला पुकार अउ मय हा अपन भगवान के नाव ला पुकार हाव । अउ जेनहा आगि ले जवाब देहि, ओही भगवान होही ।” येहा सही गोठियात हावय, “मइनसे मन जुआब दिन ।”



झुट्ठा भविष्य बतोइया मन अपन झुट्ठा देवता मन ला बिहनहा अउ
संझा तक पुकारत रहिन। ओमन डाहकिन, नाचिन अउ ओमन
लहुरकत होवय तक अपन आप ला छुरी ले चोट पहुँचात रहिन।
लेकिन कोन्हो आगी नई आईस।





फेर एलियाह हा पानी ले
लकरी अउ बलिदान ल
सबो कोती ले भीजा
दिस, अउ तब पराथना
करिस। “हे भगवान
यहोवा मोर पराथना ला
सुन ताकि इ मइनसे मन
जानय कि तइच हर
भगवान यहोवा हावस ...”
तब यहोवा के आगि हा
गिरीस। ओहा बइला अउ
लकरी ला जरो डारिस।



जब मडनसे मन एला देखिन
त नरियाइन “येहा परभुच
भगवान यहोवा हावय।”



तब एलियाह हा कहिस, "बाल के सबो भविष्य
बतोइया ला धर दारव," एलियाह हा उसनेच
करिस जेन राजा अहाब ला लंबा बेरा ले आघु
करय ला चाहि रहिस । ओहर कहिस कि इ
झुट्ठा भविष्य बतोइया मन ला
मार डारव ।



तब भगवान के एकठी सेवक
हा अहाब ला बताईस कि
बरसा आए म हे। झटेच के
एकठी बादर दिखिस। अब्बड़ सुखा
के लम्बा बेरा, तीन बछर पाछु,? का
बरसा होही?





थोरकुन देर म, आकास,
बादल अउ हवा के संग
करिया हो गिस। अउ
एकठी अब्बड़ भारी बरसा
होइस। भगवान हा बरसा
भेजे रहिस। भगवान हा
मइनसे मन ला देखाइस
कि एलियाह हा ओमन
ला सत्ती बतात रहिस।
भगवान हा ये देखाइस
कि खाली ओही हा सत्ती
भगवान हावय।





का आप मन सोचयव कि राजा अहाब अउ ओखर दास एलियाह ला सम्मान दे होही? नई! सित्तो म नई, इजेबेल, एलियाह ला जान ले मारए के परयास करिस। लेकिन ओहा भाग गईस। आखिर म, अहाब कर झगड़ा में मउत हो गईस अउ सेवक मन महल के एकठन ऊँच भीथी म ले ईजबेल ला ढकेल दिस। ओहा तरी म एकठी पथना के उपर म दुरघटनाग्रस्त होके मर गिस।





एलियाह के का होइस? एक दिन
आगि के रथला भेजिस, अउ
एलियाह आगि पुरुस, भगवान के
जन, एकठी गर्रा-धुआँ म होके
स्वरग म चल दिस।



आगि पुरुष

इ कथा हर भगवान के बचन के द्वारा एक ठी बाईबिल

पाए जाथे ।

1 राजा 17–19, 2 राजा 2

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

